

〔清〕金德鑒 編校

焦氏喉科枕秘

中國醫學大成續集

焦氏喉科枕秘提要

清·金德鑒編校。德鑒字保三。元和人。保三精研醫學。留心喉科。得喉科枕秘一書。鍼石與湯藥並施。審證繪圖。曲折詳盡。世無副本行世。上卷、首列治喉科法。次列治喉要訣。臨證二十法。手術鍼刺。外吹內服。皆有師承。次列焦氏喉症圖形七十二證。鍼藥秘傳。吹服兼施。下卷列應用良方。秘方吹藥。末附灸刺各法。及附方等。是書參合證因。條列治要。至爲明晰。選用成方。尤見精當。

喉科枕秘序

醫之爲道。切於民生日用。理近而事難。故古人有司命之目。自仲景著一百十三方。後賢纘而衍之。湯液之方。遂加于鍼石。迨子和。河間。東垣。丹溪輩。根柢聖經。發揮心得。學者益泛濫沈酣。準方施治。而鍼石之法。乃日微。吳中金君保三。業軒岐家言。能貫穿於靈樞。素問。秦越人八十三難經。以意爲變化。心殷濟時。爲士大夫所推服。近得喉科枕秘二卷。鍼石與湯藥並施。審症繪圖。曲折詳盡。特世無副墨行遠。爲難。商之孫君雲齋。雲齋遂引爲己任。鳩資以付手民。而請予弁其首。予謂喉以納氣。通于天和。咽以納食。

通于地產。會厭莞乎其。上以司開闔。實爲心肺肝腎呼吸之門。飲食聲音吐納之道。關係生死。爲任綦重。先民有言。喉痺屬痰。喉風屬火。治法宜祛風豁痰。解熱開鬱。乃無遺誤。若猝投辛散。煽動風火。必至增腫腐灼。陰陽絡失所養。遂不可救藥。今觀是書。參合證因。條列治要。錯綜疑似。縷晰絲分。令人一望而得療治之法。有補於民生日用。爲何如耶。鍼石之有裨於湯液。爲何如耶。固宜不脛而走。羣奉爲枕中鴻寶者矣。雖然。陰陽相貫。如環無端。營行脉中。衛行脉外。倘脉理之偶淆。卽洞垣其誰屬。權衡乎病之淺深。治之標本。選用成方。能奏奇效。刀圭所授。立起沉痾。是在

善讀書者。

同治七年龍在戊辰孟春月

永康應寶時撰

喉科枕秘序

三

喉
科
枕
秘
序

焦氏喉科枕秘卷一

元和金德鑑保三甫編校

治喉秘法

夫喉咽之症。用藥須知緩急。行針貴識頭尾。如牙關緊急。通關散可施。風毒痰壅。追風散當用。三黃涼膈。有消痰降火之効。二陳荆芥。有豁痰驅風之功。潰爛必須內托。收成全賴生肌。麻藥用于未針之前。秘藥用于既針之後。箍藥敷之紅腫散。水藥服後鬱痰行。洗藥去舊生新。燻藥伐邪存正。吹藥施於痛時。刀針用於腫處。雙單蛾生于咽門。而圓小無膿。吹本行針。有膿挑破自愈。可服涼膈等湯。喉疔

花疔形似靴疔而差長。上麻藥而鈎住刀割。用鐵烙而吹秘止痛。內托自消。紅色可治。黑色難療。癰之雙單耳下腮邊或腫。治同乳蛾。潰服內托。雀舌左右形小而尖。喉中舌底有痰。治類喉疔。只服三黃。錮舌蓮花。靠舌根而起。中不可用針。纏舌喉風。口噤舌捲腫大。三黃涼膈不可緩。緩則難痊。蛾之雙單並死。活日久脹大。作痛無時。用刀細割一層。搽爛藥于其中。切勿吞下。須吐出。吹秘一月。方見其功用。烙烙之三黃可服。至若走馬牙疳。喉疳口疳。結毒牙齦紫腫。臭穢不堪。必吹本秘。生肌在用。午后年干。漱口。臉腫頭搖。咽乾音啞。身熱唇穿。落牙無血。俱爲不治。服土茯苓。

末。自有奇能。喉單似蛾尖而小。宛若牛乳之狀。氣單似梅核而小。用其四十九針。回食單。卽旬氣。生蒂丁兩傍。紅起當中名梅核。吐不出而吞不入。梅核用針。旬氣用三黃十八兼用二陳四七成功。重舌舌上生。可刺金津玉液。蒂丁腫後。號懸疔。吹秘勿針。藥服三黃與犀地。死舌名木舌。堅硬不能舒。啞舌瘰生喉中。能令舌短難語。有痰先用追風瘰頭。必須剔破。初服三黃。久宜內托。白紅紫色。猶堪治。黑色腫時。魄魄離。兜腮瘰生腮下。外敷金箍散。內服十八方。膿從口出。易治。膿從腮出。難痊。膿生火針刺。肉爛秘生肌。螻舌有心。黑宜挑去。更服三黃涼膈。間用秘本吹之。收功。

仍用生肌。飛瘍立時而起。喉痺頃刻而治。此必先探吐。本
吹刀刺何傷。鎖喉風。牙關緊急。手足登開。先刺四穴。以辨
生死。次浴手足。以開脾胃。或刀或針。血去腫消。爲上策。纏
喉風。眼白面紫。項腫不言。勢如角弓反張。命在須臾。而難
保。探痰刺血。病根除。喉毬相牽似綿。可服益氣疎風。再用
麝香調服。兼吹本秘。追風。骨槽風。如口噤者。治之先吐風
痰。垂下五分灸七壯。清陽散火療之愈。舌下痰癰刺青筋。
膠涎隨出如蛋清。加味二陳湯。清熱如聖散。用之皆靈。喉
中有息肉。壅塞相重。疊。枸橘湯。雄黃末。飲搽最妙。出汗生
癰。腫黑生癰。左右陰瘡。三般無異。金箍散。十八方。敷之服。

之相當。氣癰喉痺。酒毒喉痺。二者全塗。金鎖匙。三黃散。吹
飲卽愈。大抵吹藥本下過。刀針秘復吹。餘腫不消。用均未
刀口難完。上生肌。喉中氣味。人中白。追取風痰。金鎖匙。水
藥時。哈口。冰梅。頻咽。津。抑火。三黃。涼膈。散。消腫。須知十八
味。內托。千金散。化痰。二陳湯。虛火。血虧。從四物。陽虛。氣弱
四君當。惡寒。須解表。便秘。必疎通。此是喉科真要訣。學者
必得盡心功。

喉科枕秘卷一

治喉要訣

一針手足辨陰陽。鮮血迸流命自長。若是些些黃白水。預知旦夕見危亡。

二從耳下頸腮中。慢說麻絲細刮紅。方用眉刀患處割。鮮血多者不爲凶。

三針舌下小青筋。血出鮮紅病體輕。黑腐成條絡是死。胸中結熱把痰清。

四般惡症曰懸癰。重腭纏喉併鎖風。熱積風痰胸膈結。三黃行下自疎通。

五內虛邪火上行。欲教分散須施針。少商曲池頰車穴。男

左女右辨分明。

六用追風散取痰。痰如清水不多。漫連吹本秘寬胸結。涼
隔追風及早吹。

七從頭尾可行針。切忌中間根上行。鮮血多來休慮遠。黑
而少者不長生。

八刀割患要深知。麻藥先從患處吹。撐口中間勾搭住。連
施刀法莫狐疑。

九行烙鐵要除根。炭火桐油一處焚。只待燒紅方細烙。連
將秘藥上安甯。

十全灸法在風池。五壯原來甚得宜。再把頰車加幾壯。少

商灸罷曲池隨。

臨症二十法

凡咽喉無病。其色淡紅而白。不高不腫。一有患處。必紫而腫。試病之法。或癰。或痺。或蛾。認不真。只吹本於外腫處。下刀針。次吹秘。無有不効。如不腫。只外痛。乃風熱太甚。先宜疎泄。後用清化。若喉痺。不須下刀針。吹本秘。服三黃湯。三四劑自愈。

一蒂丁在喉中。爲人之主。用刀用針用烙。切不可犯之。犯之必死。

一重腭。是上腭腫起至舌。風熱過甚。早治可生。遲則湯藥

難進。

一懸丁卽蒂丁。腫起垂下。懸塞喉中。刀針難施。

一蘊積熱毒。喉中有大小諸瘡。謂之珍珠毒。口乾起稠痰。

一辛苦或作痛。吞吐不利。吹本秘挑破出血。服學士湯。

一針之法。先捺倒舌。針靠捺舌根。輕輕一挑卽出。切不可

慢。恐病人低頭吐痰。血誤事。遠遠刺去。須防蒂丁。

一烙鐵。用紋銀打茶匙樣。用陳艾包烙鐵外。以棉花包住。

沾桐油。燈火上燒盡無烟。擱在燈上。取圈撐住口。令人

扶住。捺定舌根。使人刮淨烙鐵。看真患處。連烙一烙。卽

出。不可緩慢。恐傷犯蒂丁。烙後卽吹秘藥。解熱毒。又一

烙法。將炭燒紅。入乾艾。烙鐵放艾上燒紅。依前法治之。
須眼明手快。

一 夜深看病用燈。着人站于醫生腦後照看。方見喉中。或
喉小病在喉下。看不真。勿下刀針。只吹追風本秘數次。
待天明再看。

一 天陰忌用刀針。恐看病不真。或傷好肉。待天明朗。借日
光以助眼力。方可看治。

一 針少商穴。果係病篤。方針其穴。在大拇指角尖。離一韭
葉許。

一 頸外腫甚。方用水藥滾下其痰。若不甚腫。用之非宜。